



Diretor Interino ST-PNDS, Marcio J. M. Ferreira. Lihite, Hala'o Intervensaun Apresia ho Planu Husi ekipa ITC ST-PNDS.

IT PNDS Apresenta Estimasaun Orsamentu Migrasaun Infraestrutura IT PNDS ba iha TIC TIMOR I.P

Enkontru plano migrasaun infraestrutura IT ba iha TIC Timor I.P hala'o iha sekretariadu Tékniku PNDS, 10/07/2019. Objektivo husi Enkontru ne'e maka koalia konaba planu Migrasaun Linha Internet no Intranet PNDS nian ba iha liña Governu ne'ebé maneja husi TIC TIMOR no Eleminta kustu ne'ebé durante selu ba Internet & Intranet, kuase US\$65,000 kada tinan.

Diretor Interino ST. PNDS, Marcio J. Marcal. F. Lihite iha nia intervensaun apresia ho plano ne'e tanba bele redus kustu selu internet no intranet maibé inportante mak IT PNDS persija garante seguransa ba dados hotu PNDS nia iha futuru.

Entretanto husi apresentasaun Assesor ITC PNDS, Elvis Xiemenes husi parseiru Cardno katak Konfigurasaun oin tolu 3 ne'ebé mak sei realiza iha tinan ne'e to'o tinan 2020 Maka Primeira parte ba Konfigurasaun hahu husi Sekretariadu Tékniku PNDS, Katak data center PNDS nian ne'ebé iha Fatuhada sei muda ba iha TIC Timor nia data center iha Palacio de Governu, segunda parte mos, PNDS Munisipiu ne'ebé hamutuk ho edifisiu Administrasaun Munisipiu Sei konekta ba rede TIC TIMOR ne'ebé estabesele ona iha Munisipiu Administrasaun no Funsionario PNDS Munisipiu sei hetan assessor ba servisu hanesan (Email, Internet, websites, VoIP telefone ba Munisipiu, Apoio Suppoerte Remote no Sistema Jestaun Informasaun (MIS)) husi liña ne'ebé ho bandwidth bo'ot, Diferente ho PNDS Munisipiu Ainara no Ermera ne'ebé nia edifisiu do'ok husi Administrasaun Munisipiu ho distansia 320 to'o 350 Metrus, katak sei iha ligasaun linha fibra Otica husi rede TIC TIMOR ne'ebé estabesele ona iha Munisipiu Administrasaun ba edefisiu PNDS.

Sorumutu no Sosializasaun Nivel Nasional Kona-ba Mata Dalam Implementasaun Fatin Halimar

Sekretariadu Tekniku PNDS hamutuk Ministeriu Edukasaun Ensino Pre-Eskolar halao Sosializasaun nivel nasional konaba mata dalam implementasaun fatin halimar 72 ne'ebe sei implementa iha tinan 2019.

Sosializasaun ne'e halao iha Centru Treinamentu Senai Becora, 01/07/2019. Objetivu husi treinamentu ne'e mak atu fahe informasaun geral konaba mata dalam implementasaun iha parte sosial tekniku no finansas hodi bele implementa projetu fatin halimar tuir tempu ne'ebe determina ona ho qualidade ne'ebe diak.

Iha intervensaun Diretor Interino Sekretariadu Tekniku PNDS, Marcio Jeane Marcal Ferreira Lihite informa katak tinan 2019 servisu regular PNDS nian mak implementa iha 202 suku, alende ida ne'e iha mos atividade adisional ne'e PNDS simu responsabilidade Ministeriu Edukasaun Juventude no Desportu atu halao mak kontrusaun no rehabilitasaun eskola sia husi Munisipiu hitu, inklui implementa fatin halimar 72 iha teritoriu Timor-Leste.

Sosializasaun nivel nasional konaba mata dalam implementasaun fatin halimar ne'e participa husi Diretor Edukasaun Munisipiu 12 no Diretor delegasaun PNDS Munisipiu 12 inklui RAEOA no mos Fasilitador sira, tantu Sosial Finansas no tekniku.

PNDS

Hamutuk Ita
Dezenvolve Nasaun

Julho 2019

Progresu

Pilotu: Remata ona

Faze 1 Siklu 1 : Remata Ona

Faze 2 Siklu 1 : Remata Ona

Faze 3 Siklu 1 : Remata Ona

Faze 1 Siklu 2 : Iha Etapa 10 (Sertifika, Enkontru Akontabilidade 50% Primeiru)


Faze 2 Siklu 2 : Iha Etapa 10 (Sertifika, Enkontru Akontabilidade 50% Primeiru)

Faze 3 Siklu 2 : Iha Etapa (Transferensia Fundus Operasional) Remata Ona 2017




Konstrusaun

Faze I Siklu 2



Faze II Siklu 2



Sekretariadu Tékniku PNDS Realiza Enkontru Koordinasaun Hodi Ajusta Plano Global Implementasaun PNDS Normal ho Aktividade Adisional

Enkontru koordinasaun Sekretariadu Tekniku Programa Nasional Dezenvolvimentu Suku (PNDS) iha fulan junu nian realiza iha Postu Administrativo Atauro, Munisipiu Dili, aktividade ne'e realiza iha Beloi Atauro, 27-29/06/2019. Objeto husi enkontru koordinasaun ne'e mak atu bele kordena diak liu tan servisu hotu ne'ebe ligado ho implementasaun rutina programa PNDS nian liu-liu foka ba implementasaun faze 3 ne'ebe sei implementa iha suku 202 iha territóriu Timor Leste. Alende diskute konaba plano global PNDS nian iha enkontru ne'e mos diskute konaba plano global atividade adisional rua seluk ne'ebe Ministeriu Administrasaun Estatal ho Ministeriu Edukasaun halo ona akordu atu implementa eskola sia inklui fatin halimar hamutuk 72 ne'ebe sei implementa iha suku hirak ne'ebe partense iha implementasaun faze 1 no 2.

Entretantu Administrador Postu Atauro, Mateus Belo ne'ebe partisipa iha Sesaun abertura iha loron primeiru, apresia ho implementasaun programa PNDS, tanba implementasaun programa PNDS rejolve dadaun difikuldades balun ne'ebe comunidade sira enfrenta.



Vice-Ministro Administrasaun Estatal, Abilio Jose Caetano Lança Primeira Pedra konstrusaun Irigasaun Blae Buci Aben iha Suku Lahomea Postu Administrativu Maliana Munisipiu Bobonaro

Konstrusaun Irigasaun Blae buci aben ne'ebe lansa husi Vice-Ministru Administrasaun Estatal, Abilio José Caetano no Reprerentante Embaixador Australia halao iha suku Lahomea, Postu Administrativo Maliana, Munisipiu Bobonaro iha 17/06/2019.

Iha intervensaun husi Vice-Ministru Administrasaun Estatal, Abilio José Caetano katak Ministeriu Administrasaun Estatal hakarak kongratula comunidade husi suku Lahomea tanba sei hakarak kontinua nafatin halo Natar, nune'e governo liu husi Programa Nasional Desenvolvimento Suku sei apoiu kontrui irigasaun ida ne'e mesmu orsamentu ne'ebe ki'ik, espera katak irigasaun ne'e sei finalize ho qualidade ne'ebe diak tanba PNDS hatudu ona rejultado serbisu barak ne'e remata ho qualidade diak tebes.

Iha oportunidade hanesan Erin Gleeson, nudar Reprerentante Embaixador Australia iha Timor-Leste, senti honorado tebes bele partisipa iha lancamentu ba Irigasaun ne'e tanba momentu ida inportante tanba husi ida ne'e mak bele hahu halo obra irigasaun ne'ebe sei benefisia tebes comunidade nia moris no Ekonomia.



Atu hetan informasaun :
www.pnds.gov.tl
info@pnds.gov.tl

Atu fo imi nia hanoin:
keixa@pnds.gov.tl